

公羊墨史

超以象外
得其環中
以審其註
不以我註

傳○作僖公主者何○爲僖公作主也○主者曷用虞
主○用桑○練主用栗○用栗者○藏主也○作僖公主○何以
書○譏何譏爾○不時也○其不時奈何○欲久喪而後不
能也○

作主○作藏主也○君薨卒哭而祔○祔而作主○踰葬十月而
後作主○何其慢也○然而文之意○則以爲猶速也○何也○欲
三年也○欲三年而不能三年○猶之乎病矣○故曰欲三年
而後不能也○或以爲不及情○此則以爲過乎情也○新鬼
大○故鬼小○此意爾○弗忌之欲崇僖乎○亦文志也○然則夫
子○何以不譏弗忌○不譏文公而獨于臧孫焉○譏也○曰臧

孫智者也。且又力能禁之。臣而得之君。而任其縱焉。以
亂大典于誰責乎。責備賢者。春秋之旨也。倡躋僖者。以
亂祖禰。以誤君父。悖逆之民也。勿繫人數而已。若弗譏
乃譏之與。

冬公子遂如齊納幣

傳。納幣不書。此何以書。譏。何譏。爾。譏喪娶也。三
年之內。不圖婚娶者。大吉也。其爲吉者。主于己。以
爲有人心焉者。則宜于此焉變矣。

吉。禘喪娶。三年之恩。均之乎薄矣。而獨于娶焉。譏者何。
爲其吉之主于己也。吉于親。尙可言也。吉于己。不忍言。

忘親者可
以猛醒

公羊傳

卷下

二

也。且也。以公子納幣。而以非卿者逆。貴始而賤終之。棄
信壞主。能無悔與。然則納幣而齊以緩辭。可乎。曰。齊而
辭之。是忘好也。以是卜出姜之。不允于魯也。齊不任咎。
姜亦不任貶。忘親者。福去之。我將之。詩。固在矣。

五年春王正月王使榮叔歸含且賵

傳。含者何。口實也。其言歸含且賵何。兼之。兼之
非禮也。

兼之非禮也。不兼之乃禮乎。妾母也。而以匹嫡。新鬼也。
何不可大故。鬼乎。天王且然于滅孫。何責焉。

六年冬晉殺其大夫陽處父。晉狐射姑出奔狄。

傳此補且
傳說始無
缺漏

傳○晉殺其大夫陽處父○則狐射姑曷爲出奔射
姑○殺也○射姑殺○則其稱國以殺何○君漏言也○
君漏言○故稱國以殺也○或曰襄已葬矣○而以殺罪累死○
君○毋乃甚乎○曰○非甚也○設阱以罟人○而人罹之以死○其
殺機○至今也○春秋尸辱晉襄○以爲不密○失臣者○戒其爲
刑書也○重矣○故曰○罪我者○其惟春秋○

八年冬公孫敖如京師○不至復丙戌奔莒

傳○不至復者○何不至復者○內辭也○不可使往也○
不可使往○則其言如京師何○遂公意也○何以不言
出○遂在外也○

遂公意也。遂也者。不遂者也。不遂而遂。爲公諱也。遂在外也。大夫無遂事。在外則有之。如公子結。媵陳人之婦于鄆。遂及齊侯。宋公盟。襄仲會晉趙孟于雍衡。遂會伊雒之戎。是也。爲敖諱也。君子以敖非人哉。藐君而廢命。棄喪而竊幣。弟婦而兄娶。廢惠伯之成而縱姦已。又復國而盡室以逃。所謂豺虎不食者也。

九年冬楚子使椒來聘

傳。椒者何。楚大夫也。楚無大夫。此何以書。始有大夫也。何以不氏。許夷狄者。不一而足也。

始有大夫者。以許夷狄也。其不氏者。不純許夷狄也。夷

愛其禮愛
禮故愛中
國愛中國
以愛禮也

永胡傳

未經入道

狄而竟與中國並不驟乎故遲之以愛中國也兼以
愛楚也若曰姑以觀其後云爾或曰椒而不氏以賤椒
也銜君命以往而傲其先君椒亦自累矣

秦人來歸僖公成風之襚

傳○其言僖公成風何兼之兼之非禮也

或以爲僖公之成風鑿矣此曰兼之非禮不兼之乃禮
乎僖之葬九年矣成風之葬也六年矣送死不及尸而
突舉此區區者以講久隔之好意可知也明年夏書秦
伐晉遠交近攻秦之詐若揭之矣故人之人之夷狄之
也

十有二年秋秦伯使遂來聘

傳○遂者何秦大夫也秦無大夫此何以書賢繆公也何賢乎繆公以爲能變也惟譏譏善埴言俾君子易怠而況乎我多有之惟一介斷斷焉無他技其心休休能有容是難也

此亦謀伐晉也其爵之何秦無大夫此始有大夫也其始有大夫何徼福周公魯公一辭幾幾乎上國之使焉卽襄仲所謂國無陋也何以不氏其謀也抑秦楚皆夷夫子嘗與秦而黜楚何與詩之錄秦風也書之錄秦誓也皆子之也季札觀魯樂至秦曰此爲夏聲夫夏則能

揅歷而談
上下千古

借題發揮
曲直分明
乃兩曲必
歸一曲而
一曲乃分
兩曲女境
之妙蓋已
入化

也。大。大。之。至。也。其。周。之。舊。乎。由。是。觀。之。周。之。所。以。秦。也。勢。

冬十有二月戊午晉人秦人戰于河曲

傳。此。偏。戰。也。何。以。不。言。師。敗。績。敵。也。曷。爲。以。水。

地。河。曲。疏。矣。河。千。里。而。一。曲。也。

令。孤。之。役。曲。在。晉。羈。馬。之。役。曲。在。秦。無。兩。直。亦。無。兩。曲。

故。曰。河。千。里。而。一。曲。也。或。曰。晉。服。矣。而。脩。怒。不。已。秦。甚。

矣。或。曰。舍。嫡。不。立。而。外。求。君。而。以。挑。釁。于。諸。侯。而。以。殘。

民。以。求。敵。晉。甚。矣。

十有四年冬單伯如齊齊人執單伯齊人執子叔姬

傳。執者曷爲。或稱行人。或不稱行人。不稱行人。而執者。以己執也。單伯之罪。何道淫也。惡乎淫淫。乎子叔姬。然則曷爲不言齊人執單伯及子叔姬。使若異罪然。

猶之晉侯侵曹。晉侯伐衛也。兩晉侯重喜之也。兩齊人重惡之也。其重惡之。何以王命請。而以王命執也。敢于拒王。而又誣之淫。所謂欲加之罪。其無辭乎。其曰使若異罪。然似之非也。

十有五年夏。齊人歸公孫敖之喪。

傳。何以不言來。內辭也。脅我而歸之。筭將而來。

也

其脅我奈何。所謂飾棺置諸堂阜是也。以義脅也。葬視
共仲。魯于情法爲已悉矣。雖然。微文伯惠叔。蔑不免乎。
微獨伯叔也。其孫蔑賢也。又非獨蔑也。其莒之二子。又
賢也。魯欲用其子。故不終棄其父。而議者猶侈言乎難
也。收子然乎哉。

宣公

元年夏晉放其大夫胥甲父于衛

傳。放之者何。猶曰無去是云爾。然則何言爾。近
正也。古者大夫已去。三年待放。君放之非也。大夫

待放正也。

君放之非也。大夫待放正也。則胥甲之放。抑竄身引罪焉。待命國靈者乎。抑禁置拘繫焉。轉側之不得。而不無怨望者乎。吾謂甲父與趙穿同罪也。而異罰。不知所罪也。不知所罪。不任受罪矣。故稱國以放。而不去其官。

六年春晉趙盾衛孫免侵陳

傳。趙盾弑君。此其復見何。親弑君者。趙穿也。則曷爲加之趙盾。不討賊也。趙穿緣民衆不說。起弑靈公。逆趙盾而入。與之立于朝。而立成公。黑臀。趙盾之弑君。以不討賊也。吾謂僅不討賊。未足服盾罪。

城是謀以
之舉戰其
本入其罪
而

也。豈惟盾終其身不知罪。且使千百世終不知盾罪也。
宋督弑君。夫子以爲督有無君之心。而後動于惡。夫盾
之無君久矣。襄公死。靈公備儲位。盾藐其少也。而長君
之求微穆。羸靈公其子樂矣。乎其逆雍也。利其無寵可
以樹德焉。而且可以惟其專恣。而莫吾禁黜。君以求威
威行。則君亡。不行。則臣戮。靈之甘心于盾也。其誰曰不
然。鉏麇之亡。伏甲之攻盾。必曰吾悔不立雍也。而及此
當是時。廢人用犬。雖猛何爲闕。且出是明與君闕也。出
悖言以戮辱君。而佗然奮其兇威。以抗殺不幾操刃乎。
哉。且穿故盾從昆弟也。河曲之戰。甲穿同罪。而曲爲之

底穿故盾翼也。桃圍之攻穿爲盾發憤爾亦安知盾不
心孤靈巧避焉而以首惡貽穿也。故特書趙盾弑其君
夷臯誅無將也。然則何以復見乎。曰懷弑君之心者盾
也。親弑者穿也。情可疑而疑存之。所謂罪疑惟輕也。春
秋虞廷之李書也。其要歸于忠厚者此爾。

十有一年冬十月楚人殺夏徵舒

傳。此楚子也。其稱人何。貶曷爲貶。不與外討也。

丁亥楚子入陳納公孫甯儀行父于陳

傳。此皆大夫也。其言納何。納公黨與也。

殺夏徵舒爲天下除弑君之賊也。而稱楚人曰不與外

于微妙處
傳神聖人
復起不易
是言矣

討也。入陳利其國也。而稱楚子曰：以能納善也。夫聖人之賞罰，若是懸乎愚，謂其曰：楚人殺夏徵舒，與楚人殺夏徵舒也。稱人，人人得而討之也。若曰：此南人也，而亦知討賊，置中國于何地乎？其曰：楚子入陳，不與楚子入陳也。若曰：此殺夏徵舒之楚子也，以義始而以貪終之，毋乃非德類乎？故稱爵以拒之也。納公孫甯儀行父于陳，其曰：納于陳外，二人于陳也，以絕之者受之，陳若未始受之也。此春秋之于奪也。

十有二年春，楚子圍鄭。夏六月乙卯，荀林父帥師及楚子戰于邲，晉師敗績。

傳。大夫不敵君。此其稱名氏以敵楚子。何不與
晉而與楚子爲禮也。莊王伐鄭。勝乎皇門。放乎路
衢。鄭伯肉袒左執茅旌。右執鸞刀。以逆莊王。莊王
親自手旌。左右撝軍。退舍七里。將軍子重諫曰。君
勝鄭而不有。無乃失民臣之力乎。莊王曰。君子篤
于禮而薄于利。要其人而不要其土。

稱名氏以敵楚子。卽所謂尊屈完以當桓公也。貴齊桓
因以尊屈完也。貴楚莊因以尊林父也。其闢鄭者何。雖
爲厲之役。亦以報柳莚之恥。爾業已平而強之戰。曲在
晉矣。故曰不與晉而與楚子爲禮也。是役也。貳而伐之。

車而舍之。德刑成。霸之器也。莊之列于桓文也。有由哉。
十有五年夏五月。宋人及楚人平。

傳。外平不書。此何以書。大其平乎已也。莊王圍
宋軍有七日之糧。爾于是使司馬子反乘堙而闚
宋城。宋華元亦乘堙而出見之。司馬子反曰。子之
國何如。華元曰。憊矣。易子而食之。析骸而炊之。司
馬子反曰。嘻。甚矣。憊。雖然。吾聞之也。圍者拊馬而
秣之。使肥者應客。是何子之情也。華元曰。吾聞之。
君子見人之厄則矜之。吾見子之君子也。是以告
情于子也。引師而去之。此其大夫也。其稱人何。貶。

曷爲貶平者在下也。

平者君命也。而臣專之。故曰平者在下也。及楚人者何。華元以饑色告。又夜入子反之牀。情動之。而復威劫之。而要楚以不得不平。故令宋人主之也。或曰稱人非以貶臣以賤君也。縱其臣殺申舟以挑禍。強楚而楚又投袂張皇用師。九月兵連不解。至于易子析骸虐民命幾盡。宋固啓釁楚亦黷武矣。故入之以賤君也。

六月癸卯晉師滅赤狄潞氏以潞子嬰兒歸。

傳○潞何以稱子潞子之爲善也。躬足以亡爾離于夷狄而未能合于中國。晉師伐之中國不救狄。

驚人語

有其善其
厥善矜其
能其厥功
自以為善
不善矣
子之善特
自以為善
耳說得何
等透關筆
筆轉筆筆
靈離奇超
忽能門而
得不可多

人不有是以亡也。

潞子之為善也。躬足以亡爾。夫惟為善已足以亡矣。是
何也。善也者。仁義之美。而不易居之名也。是夷狄之所
謂而泗上諸侯之所大忌者也。楚靈胡服以朝。彼亦各
有見焉。離于夷狄。魚脫于淵矣。不夷不夏而鵲鵲焉。號
于。人曰。庶幾中國之仁義乎。是樹之鵠而招人射禍之
集焉。必也。然則潞子之為善。非乎。曰。何可非也。正慮其
為潞子之善。爾善者不善之所生也。號之為善不善矣。
況以小國介強鄰而中之嫉乎。宋襄慕而亡。徐偃行而
滅。皆是物也。語曰。重為善。若重為惡也者。幾于道矣。

受災則知
微而自尚
不罪歲而
行仁政矣

冬螽生

傳○螽生不書。此何以書。幸之也。幸之者何。猶曰
受之云爾。

幸之也者。非幸其不爲災也。若曰微此王心其不悟乎。
故曰幸之者。受之云爾。山崩兔舞。以示天警。而夏商卒
亡。桀紂之心不受也。

十有八年冬。歸父還自晉。至樞。遂奔齊。

傳○還者何。善辭也。何善爾。歸父使于晉。還自晉。
至樞。聞君薨。家遺。塤帷。哭君成踊。反命乎介。自是
走之齊。

其曰還。成其使也。其曰遂。奔成其復也。君薨家遣孰遣之。宣叔遣之也。當其時不能治也。後之人何罪。可謂德言矣。而曰子欲去。許請去之。卒去之。而以是除三桓之患。而以是重君父之忍。夫季孫之欲去固其所也。秉司寇者誰乎。君子以宣叔爲罪魁矣。

成公

二年秋七月齊侯使國佐如師己酉及國佐盟于袁婁

傳。君不使乎大夫。此其行使乎大夫何佚獲也。師還齊侯逢丑父者頃公之車右也。代頃公當左。

使頃公取飲。頃公用是佚而不反。于是斲逢丑父。己酉及齊國。佐盟于袁婁。前此者晉卻克與臧孫許同時而聘于齊。蕭同姪子者齊君之母也。踊于楮而闕客。則客或跛或眇。于是使跛者逐跛者。使眇者逐眇者。大夫出相與踦間而語。二大夫歸相與率師爲鞏之戰。齊師大敗。卻克曰。與我紀侯之顙。反魯衛之侵地。且以蕭同姪子爲質。則吾舍子矣。國佐曰。與我紀侯之顙。請諾。反魯衛之侵地。請諾。蕭同姪子者齊君之母也。齊君之母猶晉君之母也。不可請戰。一戰不勝。請再。再戰不勝。請三。揖。

而去之。

是役也。一戰。縣地五百里。焚雍門之茨。侵車至海。君子曰。嘻。亦甚矣。非晉衛甚。晉卻實甚也。其甚。晉卻奈何。以新築之敗。北鄙之侵。爲不如婦人一笑之辱也。一慚之不能忍。而連四國之兵。以逞其怒。故曰。晉卻實甚也。雖然。齊頃真非人哉。人必自侮也。而人侮之。晉卻乎。何尤。自非國佐之抗言。借一逢丑父。詭以身代。一笑傾東海之封也。久矣。或曰。祭仲措其君于人所甚貴。以生其君。春秋以爲知權。而賢之。丑父措其君于人所甚賤。以生其君。春秋以爲不權。而簡之。夫頃公之不能死難。固也。

公。曰。魯。以。丑。父。之。爲。君。盡。矣。

卷下

三

八年春晉侯使韓穿來言汶陽之田歸之于齊

傳。來言者何。內辭也。脅我使我歸之也。鞏之戰。齊師大敗。齊侯歸弔死視疾。七年不飲酒。不食肉。晉侯聞之。請皆反其所侵地。

周匝

人之情爲
盡知之矣

袁婁之盟。魯衛諫曰。子得其國寶。我亦得地。則魯衛皆有分地。此獨言魯以內見也。奈何使人之君。七年不飲酒。不食肉。晉亦懼德之。二三爲諸侯口實也。姑借辭爲齊侯請。爾有託之言者。故曰來言也。請皆反其侵地。命魯也。亦以命衛。爾侵地反而紀侯之。顛反乎。不反乎。人

申自實者
春秋之旨
也

川字讀斷

反其地已匿其寶恐益無以令諸侯矣他日馬陵之盟
秦狄之伐能無悔是哉雖然成之失甚焉爾藉人之
力以倖功而沾沾立武宮以遽明侈大乎小器易盈奪之
應爾故曰來有以來之也故吾不啻晉而重啻魯也

十有二年春周公出奔晉

傳○周公者何天子之三公也王者無外此其言
出何自其私土而出也

既云王者無外則莫非王土乃有私土乎其曰出若周
公之得罪于周而逐之以禦四夷云爾故曰出也非周
公之敢自出也

十有五年冬十有一月叔孫僑如會晉士燮齊高無
咎宋華元衛孫林父鄭公子魋邾婁人會吳于鍾離
傳○曷爲殊會吳外吳也春秋內其國而外諸夏
內諸夏而外夷狄王者欲一乎天下曷爲以內外
之辭言之言自近者始也

道合內外
而物有本
末自平末
則有終始
故曰其始
始也

吳之始通巫臣教之爾以後楚人分力于吳而中國獲
以少紓豈非適逢其會哉然而吳一楚也故爲殊會也
者以外之曷爲以內外之辭言之言自近者始也吳外
而又外也則魯內而又內也其內魯奈何假魯以治天
下也魯也而何以治天下周公存焉爾自近何以始春

勝爲敗之
伏禍爲福
之階得馬
失馬天道
固然君子
無日而不

秋○之○義○用○貴○治○賤○用○賢○治○不○肖○魯○自○治○而○後○可○以○治○天○
下○也○故○始○之○有○貴○其○始○也○

十有六年六月甲午晦晉侯及楚子鄭伯戰于鄢陵
楚子鄭師敗績

傳○敗者稱師。楚何以不稱師。王瘝也。王瘝者何。
傷乎矢也。然則何以不言師敗績。末言爾。

何以不言師敗績。末言爾。末者何。輕也。輕重言之。總之。
君重于師也。楚之敗。呂錡之妖夢兆之先。穀陽之獻飲。
甚之後。王曰。天敗楚也。夫然哉。然而非天之敗楚也。天
之敗楚也。以重晉敗也。于是乎君伐智而多力。怠教而

敢自肆也
有以夫

重斂殺三卻以尸諸朝內其室以分婦人國人勿獨遂
殺諸翼故曰天之敗楚以重晉敗也且以勸楚也右史
氏曰鄢陵之役范文子不欲戰至戰勝祈死可以慮微
知言哉雖然楚之發憤爲天下雄舊矣召陵之役以來
爭鄭而鄭服讓魯而魯朝兵陳蔡而陳蔡墟鄢陵雖敗
楚之氣燄益張當時孰有建旗鼓與之周旋者徒以有
晉在耳君有文公悼公之賢臣有趙衰趙盾中行三卻
叔向輩善用其謀而霸業不衰楚是以不克駕于晉諸
侯是以睦于晉楚之不能并天下而繼周者徒以有晉
在耳至于秦處西偏其于楚風馬牛不及也然則後之

有天下也。何以不之楚而之秦。曰。晉若不自分爲三。周雖衰。有同姓強諸侯之翼戴焉。卜世尙可量耶。故當晉之強。楚之所以終楚。當晉之分秦。之所以并周。

秋公會晉侯齊侯衛侯宋華元邾婁人于沙隨。不見公公至自會。

傳。不見公者何。公不見見也。公不見見。大夫執何以致會。不恥也。曷爲不恥。公幼也。

執大夫猶之執公也。云爾。而曰曷爲不恥。公幼也。其晉之幼。公也。而敢于恥公乎。抑公之自幼也。而不足知恥乎。若不恥。乃恥也。公至自會得意也。亦以公幼也。而得。

不可捉摸

意○乎○得○意○也○者○不○得○意○也○然○則○不○恥○公○幼○借○焉○以○殺○公○
恥○爾○孰○諸○侯○而○敢○幼○公○也○

曹伯歸自京師

傳○。執○而○歸○者○名○曹○伯○何○以○不○名○而○不○言○復○歸○于○
曹○何○易○也○其○易○奈○何○公○子○喜○時○在○內○也○內○平○其○國○
而○待○之○外○治○諸○京○師○而○免○之○其○言○自○京○師○何○言○甚○
易○也○

子○臧○已○逃○奔○宋○矣○而○曰○在○內○又○曰○而○待○之○而○免○之○何○也○
其○在○外○者○猶○之○在○內○云○爾○其○曰○待○之○以○子○臧○之○節○待○之○
也○其○曰○免○之○以○子○臧○之○節○免○之○也○是○何○也○子○臧○曹○之○鎮○

公子也。飄然高舉而謝衆望。以專之君。其在外也。所以憂內也。晉侯謂子臧反。吾歸而君。曹伯之歸否。于子臧乎。卜繭子臧歸而曹伯歸矣。故曰易也。然則曹伯之不名其無罪乎。曹伯之罪。以子臧赦矣。賢子臧所以寬曹伯也。而或曰曹伯不名。所以累乎天王也。其然與。

九月晉人執季孫行父。舍之于招丘。

傳。執未可言舍之者。此其言舍之何。仁之也。其言仁之何。代公執也。

吾于其代公執也。爲季孫難也。于其奉君命之無私也。爲嬰齊難也。主辱臣執。又閒以請邑之誘。嬰齊固謝之。

而凜然執大義以憂公。招丘之舍。仁季孫也。亦以仁嬰齊也。云爾。以僑如之叛。君構讒也。僅出之而盟之。而又召其弟豹立之。國典謂何哉。君子曰。魯之世弱也。有自矣。

十有七年十有一月公至自伐鄭。壬申公孫嬰齊卒于狸軫。

傳。此非月日也。曷爲以此月日卒之。待君命然後卒大夫。

春秋未有例。月日以卒人者。而此例之。待君命也。或曰。大夫三月而葬。不以大夫卒。而以大夫葬。猶之乎以大

夫卒也。謂大夫書卒。嬰齊之卒在十月而不書者。不成乎大夫也。至十一月始得公命。成其爲大夫矣。史官始因公命而登之冊。此係追書之。故書法若此云爾。卒之者。史官卒之也。以爲從大夫之禮。以終泥矣。

襄公

元年春。仲孫蔑會晉欒黶。宋華元。衛甯殖。曹人。莒人。邾婁人。滕人。薛人。圍宋彭城。

傳○宋華元曷爲與諸侯圍宋彭城。爲宋誅也。魚石走之。楚楚爲之伐宋。取彭城以封魚石。魚石之罪。奈何以入。是爲罪也。楚已取之矣。曷爲繫之宋。

援例以斷
其罪定矣

一城也而
勢八國之
師累矣

不與諸侯專封也。

去冬虛打之盟謀救宋也。雖仲孫蔑主之。華元請之也。其請之奈何。誅魚石也。魚石也。而何以誅。以入是爲罪也。文仲之以防不免要君。况借大國之兵威以竊邑。而以翼楚。而以毒宋者乎。然則五大夫同罪。而獨書魚石。爲帥告也。不與諸侯專封也。專封且不可。况以封有罪乎。晉人以五大夫歸。置之瓠丘。爲宋誅。不成乎誅矣。故書之曰。圍罪人之得。不得。未可知之辭也。以累晉人也。亦以累衆諸侯也。與。

二年冬。仲孫蔑會晉荀營。齊崔杼。宋華元。衛孫林父。

左說

穀梁說

胡說

曹人邾婁人滕人薛人小邾婁人于戚遂城虎牢
傳○虎牢者何鄭之邑也其言城之何取之也曷
爲不言取之爲中國諱也曷爲爲中國諱諱伐喪
也

或曰城虎牢通鄭也十年戌鄭虎牢服鄭也或曰若言
中國焉內鄭也十年戌鄭虎牢決鄭乎虎牢也或又曰
城虎牢城不繫鄭者責在鄭也十年戌鄭虎牢戌而繫
鄭者罪諸侯也此曰城之何取之也曷爲不言取之諱
伐喪也十年戌鄭虎牢曷爲繫之鄭諸侯莫之主有故
反繫之鄭夫其說皆臆也其曰諱伐喪則前六月庚辰

商談雄辨
驚四座妙
在不以理
勝而以理

公羊墨氏

卷下

大

鄭伯○論卒○隨書○晉師○宋師○衛甯殖○侵鄭○前○何○以○不○爲○中○
國○諱○而○至○此○始○諱○之○乎○吾○謂○楚○以○南○夷○猾○夏○頻○年○中○其○
毒○而○奔○走○不○休○皆○鄭○爲○之○翼○也○而○虎○牢○之○險○則○尤○鄭○之○
自○捍○以○捍○楚○者○皆○恃○焉○夫○虎○牢○東○漸○汜○水○成○臯○西○負○大○
陵○南○控○明○臯○馬○岑○北○拒○敖○倉○河○陰○所○謂○扼○要○之○咽○哉○中○
國○皆○欲○聲○罪○焉○而○發○憤○于○鄭○故○奪○鄭○以○虎○牢○爲○中○國○喜○
得○虎○牢○也○其○後○十○年○之○戍○鄭○及○晉○平○楚○子○囊○救○之○又○恃○
晉○而○與○楚○故○戍○鄭○虎○牢○而○隨○書○曰○楚○公○子○貞○帥○師○救○鄭○
以○虎○牢○而○還○之○鄭○危○中○國○之○不○能○終○有○虎○牢○也○一○地○之○
予○奪○也○而○憂○中○國○之○心○寓○焉○春○秋○之○微○旨○也○

惟聖人燭
其心未燭
其心然燭
亦殊及之
喜則何用
殊乎

三年六月戊寅叔孫豹及諸侯之大夫及陳袁僑盟
傳○曷為殊及陳袁僑為其與袁僑盟也

陳鄭楚翼也而乞盟業服乎中國則中國之而殊及何
也或曰以喜得陳也吾謂非喜其得陳也蕭魚之會喜
其得鄭則真喜也悼推誠以待而鄭之親戴者二十四
年為中國喜也亦為鄭喜也雞澤之盟非陳初心也多
欲之子辛驅之爾曾不四年戊陳救陳捍護備至而卒
于逃歸雖聖人不能預料哉然而心之不固已可卜也
為中國慮亦為陳慮也故曰曷為殊及為其與袁僑盟
也

五年夏叔孫豹鄆世子巫如晉

傳○外相如不書此何以書爲叔孫豹率而與之俱也叔孫豹則曷爲率而與之俱蓋舅出也莒將滅之故相與往殆乎晉也莒女有爲鄆夫人者蓋欲立其出也

豹之與巫往也爲屬鄆往也而此曰莒將滅之故相與往殆乎晉也夫晉而許之是晉滅鄆也晉與魯不之許而莒公然滅之是無晉與魯也無晉與魯矣而諸侯未有討辭抑又何也然則他日書曰莒人滅鄆非晉滅之亦非鄆之自滅也其莒女滅之乎故曰莒女有爲鄆夫

入者。蓋欲立其出也。

九年春宋火

傳○曷爲或言災。或言火。大者曰災。小者曰火。然則內何以不言火。甚之也。外災不書。此何以書。爲王者之後記災也。

內不言火者。甚之也。惟王者不可言天。卽此義爾。晉侯曰。吾聞宋災。于是乎知天道。執此則聖人之書法荒矣。爲王者之後記災也。孔子曰。吾說殷禮。是故之宋。而不足徵也。記災也者。亦借災以存王者耶。若東樓之裔。泯矣。

飛鴻響遠
音

十有一年春王正月作三軍

傳○三軍者何○三卿也○作三軍何以書○譏何譏爾○

古者上卿下卿上士下士

作三軍者何○毀古也○以自益也○昭五年舍中軍者何○非復古也○毀季之古也○亦以自益也○作何以書○舍何以書○作之譏○舍之譏也○何譏爾○譏甚○逼魯也○

十有二年春王正月莒人伐我東鄙○圍台○季孫宿帥師救台○遂入運

傳○大夫無遂事○此其言遂何○公不得爲政爾○

莒○小國也○可以越魯境而肆其蹂躪○伐我圍我○橫甚矣○

讓論何等
超越廟儲
不足與語
此

謂宿僅當救之而獨不可過莒境一步以討之有是哉
卽曰遂者生事也將卽專矣將將者何夫莒魯之爭運
也久矣而宿非能爲魯爭之也昭元年之三月取運季
孫止以自益二十五年十有二月書曰齊侯取運季孫
久據之而齊侯若奪之則此之入運宿亦動于自利之
心爾若曰奉國威以討厥罪則未也故爲宿罪也者但
當問其入運之心何心乃謂其不奉君命而擅入人境
乎此後儒之刑書非春秋之刑書也

十有九年春取邾婁田自漵水

傳○其言自漵水何以漵爲竟也何言乎以漵爲

解移字者
多津漢州
按形勢至
理論確有
理

竟○鄆○移○也○

或○曰○邾○田○在○鄆○水○北○今○更○以○鄆○爲○界○故○曰○取○邾○田○取○之○
自○鄆○而○以○邾○田○包○之○也○或○曰○鄆○水○在○邾○界○魯○委○曲○而○多○
取○之○是○取○之○盡○邾○田○而○以○鄆○水○包○之○也○愚○謂○鄆○水○出○東○
海○合○鄉○縣○西○南○經○魯○國○至○高○平○河○陸○縣○入○泗○水○則○鄆○水○
邾○魯○皆○有○之○所○謂○魯○析○聞○于○邾○不○隔○帶○水○者○也○而○曰○取○
邾○田○自○鄆○水○者○蓋○鄆○水○所○以○灌○邾○田○者○也○有○其○鄆○水○纔○
有○其○邾○田○是○鄆○隨○田○而○移○也○故○曰○鄆○移○也○

二十有五年十有二月吳子謁伐楚門于巢卒
傳○門○于○巢○卒○者○何○人○門○乎○巢○而○卒○也○吳○子○謁○何○

以名傷而未反。至乎舍而卒也。

吳子之伐楚。以報舟師之役耳。未知曲直誰屬也。且夷狄相攻。君子不疾而名之者。何于其門于巢名之也。或曰。其自輕也。無備也。夫過巢而有備。吳遂爲得乎。吾謂吳子本謀楚。爾而門于巢。是伐巢也。小巢而不假道。而又遷楚之怒于巢。以攻巢。短牆之矢。巢人自捍巢耳。于巢人何罪。巢之人無罪。罪在吳矣。故名之志敗也。

二十有七年夏。衛殺其大夫甯喜。衛侯之弟鱄出奔晉。

傳。衛殺其大夫甯喜。則衛侯之弟鱄曷爲出奔。

晉爲殺甯喜出奔也。喜立爲大夫。使人謂獻公曰。黜公者非甯氏也。孫氏爲之。吾欲納公。何如。獻公曰。子苟納我。吾請與子盟。喜曰。無所用盟。請使公子鱄約之。公子鱄不得已而與之約。已約歸至殺甯喜。公子鱄挈其妻子而去之。盟曰。苟有履衛地。食衛粟者。昧雉彼視。

喜之殺罪當矣。弑君一也。仇孫氏以挑晉釁。二也。恃寵而專三也。然何以稱國以殺而不去其官。免餘曰。臣殺之。君勿與知。猶之殺禽者襲而取之也。臣失矯。君失刑。且令死者終其身不知罪焉。喜雖見殺。喜終不受殺也。

如所與斷
情狀

故○死○而○存○其○大○夫○也○。鮒○喜○黨○爾○木○門○之○託○割○雉○之○盟○何○
其○怨○之○深○與○。而○公○喪○之○如○稅○服○終○身○則○負○約○之○痛○衛○侯○
終○亦○悔○之○矣○。故○繫○鮒○于○弟○非○以○成○其○爲○弟○者○貴○也○。所○以○
累○乎○兄○也○。說○者○以○鮒○之○去○合○乎○春○秋○則○吾○不○知○之○矣○。

二十有九年春王正月公在楚

傳○何○言○乎○公○在○楚○。正○月○以○存○君○也○。

康王之葬楚使公親禭○又送葬西門○閱五月而許歸○楚○
之○虐○魯○也○不○亦○甚○乎○。公○羊○子○曰○。正○月○以○存○君○也○。周○子○曰○。
春○王○以○治○楚○也○與○。

夏吳子使札來聘

公羊墨史

卷下

三

本義梁

本胡傳

參杜林註

傳○吳無君無大夫○此何以有君有大夫○賢季子也○何賢乎季子○讓國也○

或曰○吳何以書子○以善使延陵季子○故進之也○是臣可得而進退君也○或曰○札者○吳之公子○何以不稱公子○貶也○辭國而生亂者○札之爲也○此曰○吳何以有君有大夫○讓國也○或追貶其辭國于三十年之前○而此預賢其讓國之節于三十年之後○均之于聖人之子○奪無當也○或又曰○吳之以子也○謂其能歷聘也○夷狄而中國則中國之○其曰○札不純與其中國也○進而誘之來○抑而樹之防○聖人待吳意也○于札無與也○愚謂○吳之與楚○其夷狄等○

優子待霸
優其能治
中國也

爾○春○秋○稱○楚○公○子○某○不○一○而○足○則○又○何○也○豈○其○子○吳○獨○
嚴○之○防○而○于○楚○獨○撤○之○防○也○夫○楚○之○稱○公○子○嬰○齊○則○自○
楚○共○之○二○年○始○也○莊○王○能○尊○周○主○夏○盟○列○于○五○霸○共○能○
繼○其○烈○而○勢○益○張○故○進○之○也○吳○卽○周○裔○聞○其○日○與○楚○競○
矣○未○聞○奮○然○發○一○檄○以○尊○周○也○故○終○吳○之○世○未○聞○有○以○
公○子○稱○者○而○獨○于○札○疑○其○不○稱○公○子○乎○誤○矣○昭○二○十○七○
年○使○延○州○來○季○子○聘○于○上○國○非○使○賢○乎○而○削○之○不○書○又○
哀○十○年○冬○吳○救○陳○主○兵○者○季○子○也○并○札○之○名○削○之○而○于○
楚○師○則○稱○公○子○結○聖○人○之○優○于○待○五○霸○之○後○若○此○

三十年秋七月叔弓如宋葬共姬

傳○外夫人不書葬○此何以書○隱之也○其稱諡何○
賢也○何賢爾○宋災○伯姬存焉○有司復曰○火至矣○請
出○伯姬曰○不可○吾聞之也○婦人夜出不見○傳母不
下堂○傳至矣○母未至也○逮乎火而死○

共姬時逮六十矣○可以婦道自通矣○而猶然守女訓之
嚴○女所以婦耳○而左氏譏其不婦○豈然哉○董子曰○伯姬
疑禮而逮于火○桓公疑信而虧其地○其曰疑禮○可以禮
通之說也○是又與于宵奔者而樹之幟也○外夫人不書
葬○而此書之○猶之外災不書○而此書之○爲王者之後記
災也○亦爲王者之後記節也○與○

為宋災而
有是言而
仍不恤其
災故皆入
之自當從
左氏為正

冬晉人齊人宋人衛人鄭人曹人莒人邾婁人滕人
薛人杞人小邾婁人會于澶淵宋災故

傳○宋災故者何○諸侯會于澶淵○錄伯姬也○諸侯
相聚而更宋之所喪曰死者不可復生○爾財復矣○
此大事也○曷為使微者卿也○卿則其稱人何○貶卿
不得憂諸侯也○

共姬之死○亦宮壺之節○爾而曰大事○曷為使微者○孰使
之○君使之也○而曰卿不得憂諸侯○抑何誤也○愚謂澶淵
之會○錄伯姬也○曰爾財復矣○許其復而終于不復○可謂
錄伯姬者乎○向戌之請財○眾大夫之不歸財○皆以辱伯

姬也。抑且辱國。其以人之也者。貶之以是爾。

昭公

元年春。叔孫豹會晉趙武。楚公子圍。齊國弱。宋向戌。衛石惡。陳公子招。蔡公孫歸生。鄭軒虎。許人曹人于鄆。

傳。此陳侯之弟招也。何以不稱弟。貶曷爲貶。爲殺世子偃師。貶招之罪已重矣。曷爲復貶乎。此著招之有罪也。何著乎招之有罪。言楚之託乎討招以滅陳也。

楚公子圍。陳公子招。無將等爾。曷爲獨于招焉。貶豈以。

圍之惡。聖人削之不書。而此亦同爲之諱耶。夫圍之縊殺王也。弑也。而書曰。楚子卷卒。招之殺。偃師而哀縊也。猶之弑也。而書陳侯溺卒。聖人之諱之也。亦等爾。而不知者曰。聖人諱圍。而討招。然哉。然則招甚乎。曰。圍甚焉。爾託乎討招。以滅陳。而卒放招于越。以有罪伐。有罪未已也。而又以有罪縱有罪。可復人類數乎。然則公羊之獨于招焉。貶也。亦以甚楚圍之惡也。與。

夏秦伯之弟鍼出奔晉

傳○秦無大夫。此何以書。仕諸晉也。曷爲仕諸晉。有千乘之國。而不能容其母弟。故君子謂之出奔。

也。

鍼之奔晉也。懼選也。觀其悔車多。敬楚羈。其歸國宜爾。雖然。食百餼于晉。不如爲公子于秦也。以公子去其國。而以羈求食于人。料歸國之後。終無令圖爾。然則干乘之主。而不能容其母弟。然乎。鄭伯克段。多方縱之以厚其毒。而徐收之。則真不能容者。爾二君于景鍼。自不能容耳。于秦伯乎。何尤。故書其出。不書其入。聖人之爲天下拒貳君者也。非以爲秦也。

足以爲爲
入弟香城

四年秋七月。楚子蔡侯。陳侯許男。頓子胡子沈子。淮夷伐吳。執齊慶封。殺之。

何國在
此
應
冷
邪

傳。此伐吳也。其言執齊慶封何。爲齊誅也。慶封
走之吳。吳封之于防。然則曷爲不言伐防。不與諸
侯專封也。慶封之罪何。脅齊君而亂齊國也。
懷惡而討。雖死不服。然而春秋不書公子圍弑其君。則
圍去其惡矣。去圍之惡。所以治慶封也。雖然。慶招同惡
而招獨免。此又慶之終于不服者也。或曰。誅慶封以誅
吳也。慶弑君而吳爲之保姦。能無討乎。然而亦猶之燕
伐燕。爾夷狄相攻。君子不疾此。又借夷狄治夷狄之法
也。與。

九年四月陳火

傳。陳已滅矣。其言陳火何存陳也。

陳與蔡繼滅矣。而未始滅也。與滅繼絕有棄疾在也。故陳滅矣。卽書曰葬陳哀公。叔弓會楚子于陳。四月陳災。非聖人之能存陳也。楚原不終滅陳也。蔡滅矣。卽書曰執蔡世子有以歸。又曰葬蔡靈公。非聖人之能存蔡也。楚原不終滅蔡也。他日書曰蔡侯廬歸于蔡。又曰陳侯吳歸于陳。蔡侯廬胡以歸于蔡。蔡存焉。爾陳侯吳胡以歸于陳。陳存焉。爾不然。旣滅矣。又胡歸焉。或曰虞舜之明德。聖人不吝以筆存之。任舒英蓼。非明德之後乎。而聖人不一存之。是聖人忍以筆斬之也。然則陳原未

說經往往
未將經之
前後血脈
觀其會通
而安以臆
斷耳

始○亡○爾○而○曰○借○火○以○存○之○舛○矣○

十有八年夏五月壬午宋衛陳鄭災

傳○何○以○書○記○異○也○何○異○爾○異○其○同○日○而○俱○災○也○
外○異○不○書○此○何○以○書○爲○天○下○記○異○也○

宋○陳○鄭○何○以○火○火○房○也○衛○何○以○火○火○牡○也○俱○災○同○日○何○
日○爾○壬○午○也○災○何○以○始○彗○之○除○于○火○者○始○也○何○以○天○下○
異○被○災○者○四○國○弔○災○者○盡○友○邦○焉○咸○費○其○牲○幣○而○震○懼○
弔○問○之○不○遑○被○災○者○火○而○弔○災○者○亦○猶○之○逮○乎○火○也○故○
曰○爲○天○下○記○異○也○或○曰○僑○之○火○政○善○矣○瓘○竚○玉○璫○又○何○
惜○焉○曰○卽○可○禳○也○而○或○有○移○于○國○君○大○臣○者○里○析○遷○國○

之言其隱語也。僑曰：吾不足以定遷矣。亦隱謝之語也。僑之不禳火，所以救火耳。又何避焉？然則火畢而禳者，不一不已晚乎？曰：悅也，非以明民將以愚之此焉爾。

十有九年冬葬許悼公

傳。賊未討，何以書葬？不成于弑也。曷爲不成于弑？止進藥而藥殺也。止進藥而藥殺，則曷爲加弑焉爾？譏子道之不盡也。曰：許世子弑其君，買是君子之聽止也。葬許悼公，是君子之赦止也。

世以許世子不嘗藥爲弑君舊矣。不擇醫不先嘗，有無君之心焉。夫春秋之君之死者夥矣，其子皆擇醫皆嘗

如起之望
如所望也
君子所以
平其心也
無偏善而
其片論自
平故善讀
春秋者必

藥者乎。而獨于止焉責也。或以爲盾止實弑也。或又從
史之曰。止之不嘗藥。渺矣。國人胡爲而疑之。止又胡爲
而自疑以走也。豈不彰彰見逆謀哉。吾謂以止弑而弑
非也。僅不嘗藥而加之弑。亦非也。然則奈何。夫固曰藥
止之藥也。止知醫而進之。是自用也。止不知醫而擅進
之。是以父之命爲嘗也。況悼之疾何病疾也。投藥難矣。
昔季康子之母死。般請以機封。公肩假曰。爾以人之母
嘗巧。則豈不得以其母以嘗巧者乎。則病者乎。夫公肩
假不忍以人之母試人之巧而止。乃敢以己之父試己
之醫。且夫庸醫殺人。國有常刑。而况乎其父嘗也。故

先平其心

公羊墨氏

卷下

美

曰○弑也○雖然○致位弟緯○哭泣歎粥○未逾年而死○其自討也○嚴矣○晉靈不書葬○其不葬靈也○以討盾也○冬葬許悼公○其葬悼也○以赦止也○討盾而赦止○奈何○有心之與無心○爾而深文者○與盾同辟而坐之○孔恕者○與盾同矜而出之○此止所以負千古之冤○而不善讀春秋者○之所以多失聽也○與

二十有一年夏○宋華亥向寧華定自陳入于宋南里以畔

傳○宋南里者何○若曰因諸者然○

此一叛也○開釁于宋元而成于華豹兄弟之相惡○卒至

刳父納亡。招連吳楚之師。以與君爲難。而流血盈城。向微公子城之忠勇。救之以四國之師。扼賊之吭。而撫其背。宋不國矣。其曰自陳以爲陳有力焉。非也。夫固刳司馬而召亡人于陳者。力也。其曰入不與其入也。絕之也。其曰南里而繫之。宋奪華諸叛人以南里也。勦其窟也。是時宋城舊鄘。賊據新里。其公里則舊鄘屬也。其南里則新里屬也。此曰若因諸然。周曰罔圖。齊曰因諸。其刑人之地乎。其從刑徒也者。以叛乎。

二十有三年七月戊辰。吳敗頓胡沈蔡陳許之師于雞父。胡子髡。沈子楹滅。獲陳夏齧。

傳○此偏戰也。曷爲以詐戰之辭言之。不與夷狄之主中國也。然則曷爲不使中國主之。中國亦新夷狄也。其言滅獲何。別君臣也。不與夷狄之主中國。則其言獲陳夏鬻何。吳少進也。

此曰詐戰。非詐戰也。不成乎戰也。國七而離師。賤而譁。君幼而狂。臣壯而頑。而吳復以孫臏伍舉之謀佐之。纔接陳而披靡狂奔不可止矣。故曰不成乎戰也。然則何以不書吳敗楚。六國之來爲楚來耳。則六國之敗皆楚敗也。故書曰吳敗頓胡沈蔡陳許之師于雞父。雞父楚地也。卽以甚楚敗云爾。其曰不與夷狄之主中國。又不

使中國主之夷狄賤新夷狄更賤也。又曰：其言滅獲何別？君臣也。君一夷狄之君而猶存其君臣一夷狄之臣而猶存其臣也。聖人所以扶衰世之心也。然則獲陳夏而曰吳少進者，何非能以其戰進也？進夷狄所以退新夷狄也。尤聖人熱于扶衰世之心也。夫。

二十有五年秋，齊侯唁公于野井。

傳：唁公者何？昭公將弑季氏，告子家駒曰：季氏爲無道，吾欲弑之，何如？子家駒曰：季氏得民衆久矣，君無多辱焉。昭公不從其言，終弑而敗焉。走之齊。齊侯唁公于野井。高子執簞食與四脰脯。國子

執壺漿。昭公曰。君不忘吾先君。延及喪人。錫之以
大禮。再拜稽首。以衽受。蓋祭而不嘗。景公曰。寡人
有不腆先君之服。未之敢服。有不腆先君之器。未
之敢用。敢以請。昭公曰。喪人不佞。失守魯國之社
稷。執事以羞。敢辱大禮。敢辭。景公曰。請以饗。平從
者。昭公曰。喪人其何稱。景公曰。孰君而無稱。昭公
于是噉然而哭。諸大夫皆哭。既哭。以人爲菑。以辟
爲席。以鞍爲几。以遇禮相見。孔子曰。其禮與其辭
足觀矣。

孔子曰。其禮與其辭足觀矣。譏公也。亦以譏景也。景之

抽簪刺繡
屑出不窮

子家子亦
何辭以對

遇公也禮矣。而他日之饗公也。請宰獻而自安。使高張
之。信也。稱主君。抑何前恭後倨也。微獨齊也。子家子以
齊君無信。勸公蚤之晉。乃之晉。再矣。而曰君不使一个
辱在寡人。夫剽陵之盟。不曰謀納公乎。安得誣我以不
告也者。梁丘據之納錦。范獻子之求貨。亦其君之爲爾。
雖然。魯微獨無君也。抑且無臣。公徒之說甲執冰。無論
也。子家子周旋乾侯。可爲生死以之。然從不聞其效。秦
庭七日之哭聲。大義以激天下。爲當時諸侯勸也。至于
叔孫昭子歸闕數語。足破平子之謀。而奪之氣。而一爲
所賣。遽甘殞滅。嗟乎。昭子殞而公不歸矣。故君子以昭

子○之○祈○死○爲○妖○于○鸛○鵒○之○謠○

定公

元年春王

傳○定○何○以○無○正○月○正○月○者○正○卽○位○也○定○無○正○月○者○卽○位○後○也○卽○位○何○以○後○昭○公○在○外○得○入○不○得○入○未○可○知○也○曷○爲○未○可○知○在○季○氏○也○定○哀○多○微○辭○主○人○習○其○讀○而○問○其○傳○則○未○知○己○之○有○罪○焉○爾○

元○年○有○王○所○以○治○季○也○無○月○所○以○危○定○也○主○人○習○其○讀○而○問○其○傳○則○未○知○己○之○有○罪○焉○爾○已○卽○主○人○自○謂○也○言○已○讀○之○而○不○知○己○之○爲○罪○正○所○謂○微○辭○也○使○季○讀○之○而○

其詞微故
其言與而
其代齊難
其入矣

不知逐君之罪。定讀之而不知不能君之罪也。他日書
六月丙申季孫隱如卒而卒之而月日之非以爲臣爲
君諱也。楚實無王也。而僅責包茅之不貢。盾實弑君也。
而僅責亡不越境。入不討賊。盪寬之名。而使其可受。雖
不見己之所爲罪。而莫大之罪。畱之後世而讀者自見。
定哀之間多微辭。獨定哀已哉。定哀甚焉。爾說者曰。仲
尼慮開罪時王。而僅爲之諱。不乃爲穢史者蒿矢乎。則
又何以曰罪我者惟春秋也。

三月晉人執宋仲幾于京師

傳。仲幾之罪何。不蕘城也。其言于京師何。伯討

子京師而
執執人罪
謂執人罪
王宮其罪
大矣

公羊傳

卷下

三

也。伯討則其稱人何？貶曷爲貶？不與大夫專執也。
蓺城者何？衣城以草也。慮雨也。爲天王城成周，亦天王
執之，爾而人晉者何？徵人徵鬼士伯之怒當矣。乃執仲
幾以歸。三月歸之京師。夫王都大司寇在焉，必執之歸。
晉乎？至三月纔歸之王，是仲幾之子奪獨在晉，而王可
後也。晉人之罪與仲幾之罪無王等，爾故人之志貶也。
或曰：蓺作衰，卽差也。謂以差次受功賦也。左氏遲速衰
序，于是焉在是也。

四年冬十有一月庚午，蔡侯以吳子及楚人戰于伯
莒，楚師敗績。

傳○吳何以稱子夷狄也而憂中國○伍子胥父誅
乎楚○挾弓而去楚○以干闥廬○闥廬曰○士之甚勇之
甚○將爲之興師而復仇于楚○伍子胥復曰○諸侯不
爲匹夫興師○于是止○蔡昭公朝楚○有美裘焉○囊瓦
求之○昭公不與○爲是拘昭公于南郢○數年然後歸
之○于其歸焉○用事乎河○曰○天下諸侯○苟有能伐楚
者○寡人請爲之前列○楚人聞之○怒○爲是興師○使囊
瓦將而伐蔡○蔡請救于吳○伍子胥復曰○蔡非有罪
也○楚人爲無道○君如有憂中國之心○則若時可矣○
于是興師而救蔡○

以夷狄而
變中國中
國其尚有
國乎

公羊傳

卷下

三

是役也。因怨于蔡。因怨于胥。五戰及郢。若拉朽然。亦適
構之功爾。上國之聘。難父之戰。及此三焉。吳進矣。故曰
子也。難父之戰。曷爲不以中國主之。曰。中國亦新夷狄
也。伯莒之戰。曷爲不以夷狄主之。夷狄能主之。而推其
主于中國也。夷狄亦新中國也。夫夷狄亦新中國。而吳
更進矣。故曰。與夷狄之憂中國也。

八年冬盜竊寶玉大弓

傳。盜者孰謂。謂陽虎也。寶玉何。璋判白。弓繡質。

龜青純。

寶玉。封圭也。大弓。武王之戎弓也。重器也。而盜竊之。守。

天子其則
諸侯其則
侯其則大
夫其則大
莫則陪臣
強亦其勢
然則公羊
請其無君
無大夫魯
亦可謂無
君無大夫
矣

器者誰乎陽虎竊之陽虎歸之鐫桺之不謹國無人焉
失物自歸匪督之歸國益無人焉或曰昭公客死季葬
諸溝南而繼合之陽虎合之也從祀先公陽虎祀之也
虎非魯昭忠臣哉然而託魯昭忠臣以亂魯其本謀也
暴季之罪于魯而不自知其罪之浮于季也因從祀先
公而書之疑其竊于祀所乎不可知竊聖賢之禮以守
其盜賊之身聖人之所大惡也若夫季孫誨盜而不能
誅盜且以黨誨盜歸獄于君若臣也何辭

十有三年冬晉趙鞅歸于晉

傳○此叛也其言歸何以地正國也晉趙鞅取晉

陽之甲以逐荀寅與士吉射。此逐君側之惡人。曷爲以叛言之。無君命也。

晉國有命。始禍者死。趙鞅誅貢于邯鄲。午而殺之。非其罪也。荀范之禍。實激成之。則鞅非始禍者乎。乃因韓魏請僥倖復位。而借安于之尸以謝衆人。誰欺乎。然則不言復而言歸。使若無罪。然以累晉也。云爾。而曰以地正國。是邦國之甲可以擅用。而以亂召亂者。相踵也有是哉。

有神世道之言

哀公

三年春齊國夏衛石曼姑帥師圍戚

是輒而非
賤當時已
有是論故
孔門有爲
不爲之問
乃公羊子
仍襲是說
豈魯論而
本之讀耶

傳○齊國夏曷爲與衛石曼姑帥師圍戚伯討也
曼姑受命乎靈公而立輒以曼姑之義爲固可以
距之也然則輒之義可以立乎曰可其可奈何不
以父命辭王父命以王父命辭父命是父之行乎
子也

齊衛圍戚又求援中山父子稱兵幾推刃矣故使齊主
之以存輒云爾曰不以父命辭王父命夫王父之命命
公子郢耳曾未一及輒也亡人之子輒在郢讓之也而
曰王父命豈不誣哉或曰不孝之子不得爲君夫蒯聵
之懟其母也正蒯聵之愛其父也若禰祖拒父不孝孰

甚焉。厚罪。贖之。逆母而薄繩。輒以逆父。有是理乎。其後登臺之變。輒奔而贖。復君衛。執立之。若姊立之。爾其母逐之。姊立之。幹母之蠱者。姊耶。抑天之惡。輒焉而巧。以假手焉。爾也。

四年夏。晉人執戎曼子赤。歸于楚。

傳。赤者何。戎曼子之名也。其言歸于楚。何。子北宮子曰。辟伯晉而京師楚也。

楚子誘戎曼子殺之。夷狄相誘。君子不疾也。此執而歸之。楚楚一周矣。無周猶可言也。擬楚于周。不可言也。且窮而來歸。而我以詐執之。又一新夷狄矣。人晉者歸惡。

于晉也與

六年秋齊陽生入于齊齊陳乞弑其君舍

傳○弑而立者○不以當國之辭言之○此其以當國之辭言之何○爲○讓也○景公謂陳乞曰○吾欲立舍何如○陳乞曰○君如欲立○則臣請立之○陽生謂陳乞曰○吾聞子蓋將不欲立我也○陳乞曰○吾不立子者○所以生子者也○走矣○與之玉節而走之○景公死而舍立○陳乞使人迎陽生于諸其家○除景公之喪○諸大夫皆在朝○陳乞曰○常之母○有魚菽之祭○願諸大夫之化我也○諸大夫皆曰○諾○陳乞曰○吾有所爲○甲請

以示焉。于是使力士舉巨囊而至于中霤。開之。則闐然公子陽生也。陳乞曰：「此君也已。」諸大夫不得已。皆逡巡北面再拜稽首。而君之爾。自是往弑舍乞之立公子陽生也。可謂譎而譎奇而險矣。玉節以走公子巨囊以出公子。又使諸大夫不得。不過不得不疑。不得不駭。不得不逡巡再拜君陽生。偃蹇譎浪而談笑定之。詎倉猝能乎。觀其偽下高國。密閒諸僚。輸諸大夫之情于高國。而隨借高國以用諸大夫。輸高國之情于諸大夫。而隨借諸大夫以用高國。又巧輸我之情于高國。巧輸我之情于諸大夫。而卽以我用高國與諸大夫。

隨借高國與諸大夫以爲我用。以齊之君若臣爲鳥以陽生之走爲機以乞之驂乘爲撥一舉而捷若承蜩故曰諉也。然則陽生實弑君而以乞主之者何誅乞之處心積慮成乎弑也。或曰不以陽生君舍也是敢爲無君者赦也。則春秋之旨荒矣。

七年秋公伐邾婁八月己酉入邾婁以邾婁子益來傳。入不言伐此其言伐何內辭也。若使他人然邾婁子益何以名絕曷爲絕之獲也曷爲不言其獲內大惡諱也。

魯之是役也貪師也。諸大夫皆阻之而季康子堅欲之。

孟孫所謂
魯德如邾
者信夫

其曰伐邾婁加我于邾婁也。小邾婁也。然而國無小也。嚴兵待之。背城借一。魯其如邾何。乃師至北門。而考鐘未已。大夫諫不聽。成子請告吳。不許。而曰。國內豈不足也。不亦謬哉。然則魯志得乎。悖吳一也。邾齊出二也。違僉謀三也。而掠之。而獻之。而囚之。以邾伐邾。庸愈乎。茅夷鴻以乘韋之吳。當秦庭七日之哭。卒之吳師纔入。遽盟城下。康子孟懿輩安在哉。而挫折至此也。故伐之。而又言八。魯德如邾。不成乎伐也。獲之。而祇言來。獲而卽歸。不成乎獲也。其曰內辭。曰內諱。定哀多微辭。殆此與。

八年春王正月。宋公入曹。以曹伯陽歸。

傳○曹伯陽何以名絕○曷爲絕之滅也○曷爲不言
其滅○諱同姓之滅也○何諱乎同姓之滅○力能救之
而不救也○

禽○荒○敗○政○有○窮○以○亡○况○小○國○乎○然○則○曹○之○亡○也○孰○亡○之○
非○公○孫○彊○亡○之○也○振○鐸○亡○之○也○夫○振○鐸○曹○之○始○祖○也○而○
何○以○亡○之○不○務○德○而○穢○是○聞○而○以○棄○其○國○而○以○誣○其○祖○
振○鐸○亦○厭○之○矣○其○亦○或○者○示○兆○焉○以○大○警○陽○也○而○教○悞○
不○悞○振○鐸○之○不○祀○忽○諸○宜○哉○則○謂○曹○之○亡○不○亡○于○朱○而○
亡○于○曹○人○之○妖○夢○可○也○故○曰○振○鐸○亡○之○也○滅○之○而○不○言○
滅○爲○內○諱○也○力○能○獲○邾○不○能○救○曹○何○與○君○子○以○魯○人○之○

公羊傳
袖手爲甚于曹人之妖夢矣。

十有三年夏公會晉侯及吳子于黃池

傳○吳何以稱子○吳主會也○吳主會則曷爲先言
晉侯○不與夷狄之主中國也○其言及吳子何○會兩
伯之辭也○曷爲以兩伯之辭言之○重吳也○曷爲重
吳○吳在是則天下諸侯莫敢不至也○

黃池之會○吳主之也○然而吳晉爭盟而卒先晉○則猶然
晉主之也○晉主之而晉不能有其權○吳席其權以憑陵
晉而以憑陵衆諸侯○不赫然進吳于天下哉○晉人執戎
曼子赤歸于楚○辟晉伯而京師楚也○黃池之會○幾于辟

有不向道
而求為之
強戰是謂
輔其存
以而適所
以亡之子
胥其悔是
哉

晉伯而京師吳矣。且單平公實與焉。而聖人不書惡吳
之無王也。若曰愛天王之使乎吳子也。云爾。然則黃池
之會奈何。曰吳之會莫盛于黃池。而亦莫衰于黃池。夷
德輕為司馬所窺。半邾之賦受子服景伯之給。棄疾于
諸侯。而自蹶國本。姑蔑之旗雖下。而笠澤之師已繼其
後矣。或曰惜也。子胥在若之何。君子曰吳之傲于戰胥
啓之也。勢張于入郢。禍終于伐齊。城邗溝通江淮。徵百
牢于魯。籓衛侯于鄆。威竊于夷。狗而兵弱于庚癸之呼。
譬之火胥掀其燄焉。越安受其燼耳。語有之。越非能亡
吳者也。亡吳者子胥也。然哉。